

TAČKA 4.

Informacija o uvođenju nove visine kamatnih stopa za depozite po viđenju od strane UniCredit Banke

Udruženju poslodavaca FBiH se obratila Grupacija poslodavaca SBK sa zahtjevom da se Agenciji za bankarstvo i Centralnoj Banci uputi inicijativa za sprječavanje uvođenja novih visina kamatnih stopa za depozite po viđenju od strane banaka.

Naime, velikom broju kompanija iz SBK Unicredit banka je poslala obavijest o uvođenju kamata na sredstva po vidjenju od 01.01.2015. godine (mišljenja smo da je ova obavijest upućena i svim kompanijama na nivou FBiH). Kao argument, u svojoj obavijesti Banka je navela, da je do uvođenja kamatnih stopa došlo zbog kontinuiranih promjena na međunarodnom tržištu koje imaju direktnog utjecaja i na poslovanje poslovnih subjekata u Bosni i Hercegovini.

Europska Centralna Banka (ECB), kako bi se potaknulo kreditiranje i ekonomski rast, primjenjuje politiku snižavanja kamatnih stopa na prekonoćne depozite poslovnih banaka, te od prve polovice 2014. godine uvodi negativnu kamatnu stopu na prekonoćne depozite poslovnih banaka. Navedena politika kamatnih stopa ECBa izravno, kroz račune domaćih banaka u inozemstvu, te neizravno, kroz sredstva koje domaće banke drže kod Centralne Banke Bosne i Hercegovine, mijenja okolnosti poslovanja.

Uvažavajući promjene na međunarodnom tržištu glede visina kamatnih stopa na depozite i s ciljem minimiziranja negativnih utjecaja na klijente i poslovne partnere, UniCredit Bank d.d. donijela je odluku da se, počevši od 1.1.2015.godine, na depozite po viđenju u valutama BAM, EUR i USD obračunava visina kamatne stope u iznosu od 0,05%, godišnje.

Uvođenje navedenih kamatnih stopa može se očekivati i od od drugih banaka.

Takodje Grupacija poslodavaca SBK je napomenula da su banke već uvele naplatu provizije kod pologa pazara/gotovine na vlastiti račun.

Imajući u vidu navedeno UO treba razmotriti ovu problematiku i zauzeti svoj stav.